



In sabeda ai 28 de Setëmbër el gnü sughé la cuinta partida dl campionat 2013/2014 de 3ª categoria por La Val. La partida é gnüda sugada fora de éiasa sön le ciamp da Raas cuntra la squadra dl post.

Na partida che sön le papier ne parô nia ria, mo sciöche an à bele plü iadi udü, vëgn chëstes partidas combatüdes cina ala fin y al é tres rî portè a cíasa na devënta. La squadra da La Val fej bela figūra y se prejënta sön le cíamp dl Raas cun gran umilté y respet dla squadra avversara y cun gran orentè era buna de porté i trëi punc a cíasa.

Bel da mëter man é la squadra da La Val che fej n gran pressing y tègn la squadra alta, i centrocíampisc abina n grüm de pai de cé y i atacanc tégn le pal alt y rōia gonot dan porta avversara.

Le gol por La Val toma bele do da 15 menüć, le defensur Marco C. va jö por la fascia y se tira ite cuntra porta, so cross bas ti rōia avisa sön le pé al avversar che le deviëia insciö te porta. Püch dedo éle ince Alex E. che à na gran ocasiun, al ciafa le pal amesa area sön n bel preparativ de Emanuel, mo le tiro rōia de tröp sura porta fora.

Le jüch da La Val, por menè i atacanc a contlujun, se basëia tröp sön le apogè le pal zeruch y spo de le lancè a scavalché le mür defensiv, a chirì les dōes punte Emanuel y Micky che é bugn de gestì bun le pal. Ci che fala ciamò é le ultim pasaje che ne rōia prësc mai a bun fin. Dan che le arbiter sciüra le prüm temp éle ciamo Micky che vëgn lancé da na pert jö, mo imped puntè cuntra porta, tolel la dezijiun de purvè le tiro, mo chësc rōia de püch sura la stangia de porta fora.

La squadra da Raas ne é düt le pröm temp nia cis prigorusc, al é scialdi La Val che detëia i ritmi y se tègn insciö la partida tles mans.

Le prüm tēmp se stlūj jō sōn le resultat de 1 a 0 por La Val.

Le secundo tēmp mēt man y i sogadusc da La Val sà bel avisa che ai mēss a dūc i cosc stlū jō la partida, deache sciōche al é bele conesciū, sce an splundra sōn porta aversara sēnza ester bugn de fa balè la rēi, suzedl gunot le contrario y an se ciafa le gol cuntra.

Le assedio da pert dla squadra da La Val va inant, les pūces ripartenze da pert dl Raas vėgn scialdi tignides sō dai defensurs da La Val. De vigni sort de ocajiuns à i atacanc da La Val tl secundo tēmp, ūna de chēstes é Dorigo che ciafa. Sōn n bel passaje de Romeo é l bun de jí sù cuntra porta, mo da bat ler portier ne éle chēsc iade nia bun, le tiro rōia sura porta fora.

La squadra da La Val les prō dōtes mo ara stēnta dassēnn da segnè le secundo gol y insciō crēsc ince la nervositè. Te ciamp éle n gran marcé y i sogadusc s' nen scraia sō tra d vėi. Le Raas mēt ince man de sughe y rōia plō iadi a contlujun, sēnza ester però bugn de bat le portier Sepl. A calmè i cēs é spo Alex A. y Paolo che pēnsa, ai cumana sū cumpagns a nia perd la luziditè y de restè conzentrà inant.

Insciō tomel spo le gol dl 2 a 0, al 75' éle Manuel Stampfer, apēna gnū cambié fora, che ti scinca a Micky n assist d'or, le atacant pò ji su cuntra la porta y cun n tiro bas éle bun de segnè.

Tartan i ultimi menüc é spo la squadra da La Val che se piazzēia bun te ciamp a defēne le resultat.

La partida se stlūsc jō sōn le 2 a 0 por La Val. Cun chisc punc davagná se porta La Val al 3° post te tlassifica cun 10 punc.

Proscima partida é l'andata dl secundo turno de Copa Provinzia che gnarà sugada in **mercuri ai 02.10.2013**

dales

20:00

a Vahrn cuntra la squadra da Neustift.

La formaziun titolara: Kantioler Sepl, Valentin Elmar, Alton Alex, Vallazza Paolo, Castlunger Marco, Elzenbaumer Alex, Sottara Stefan, Rubatscher Romeo, Miribung Alexander, Frenes Micky, Dorigo Emanuel

Sostituziuns:

Werner Sottara por Alexander Miribung

Manuel Stampfer por Emanuel Dorigo

Egon Frenes por Marco Castlunger

Adrian Miribung por Alex Elzenbaumer

Felix Nagler por Micky Frenes

Alenadù: Floriani Claudio

Por udèi i resultač de chësta dumënia de campionat drüca: [risultati.pdf](#)

Do la devënta de copa, chësc ultim mercui ai 11/09 contra le Aicha, é la squadra da La Val buna de purtè a cíasa 3 punc importanc. Na partida dër sintida, suradüt por l'alenadù Floriani che à alenè la squadra dl Niederdorf por 2 agn.

I sogadusc da La Val rōia sōn le cíamp cun na gran grinta y bele do da püc menüc tomel le gol

dl 1 a 0. Sön n angolo éle Alex E. che ciafa le pal al limit dl' area y cun na bela trata sot la traversa portel la squadra da La Val in vantaje.

A mēz le prüm tēmp éle Emanuel bun de radopié le resultat, sön n assist de Alexander éle bun de se controlè le pal, cun na gran finta ti sciampel al defensur avversar y cun na trata basa batel le portier.

I atacanć da La Val é bugn de tignì sō le pal y cun de beles combinaziuns esi bugn de ti sciampè plü iadi ala defenjiun avversara, mo sēnza ester bugn de ji a conclujiun.

Pūch dedo éle ciamò Micky che à na gran ocajiun, sön n bel preparativ röiel te area al dēr mumēt, mo le tiro rōia de pūch sura porta fora.

Dan che le arbiter sciūra le prüm tēmp éle ciamò n atacant dl Niederdorf che abina de cé la stangia de porta sön na trata dal angolo.

Le prüm tēmp se stlūj jō sön le resultat de 2 a 0 por La Val.

Le secundo tēmp mēt man cun n gran druch da pert dl Niederdorf, i sogadusc da La Val se stūda ia y se lascia fracé dala squadra avversara.

Cun de beles aziuns rōia la squadra avversara deplū iadi dan porta y i sogadusc da La Val mēss aretrè y se parè cun dōtes les forzes. Cun le gran assedio da pert dl Niederdorf garetl tosc le gol dl 2 a 1.

Sön n lancio éle dui defensurs che ne se capësc nia y rōia a saltè adūm sön le pal che vëgn insciö spizoré y ti rōia bel avisa al atacant avversar che cun n tiro bas é bun de bat le portier da La Val.

La nervosité crësc y la lucidité da do, i sogadusc mëss purvè a dūc i cosc da defëne le resultat. Cun le gran laur de Emanuel che và a recuperè n grüm de pai sciurà demez y tëgn insciö sō le pal por che la squadra pois se arlungé, ti garetl la dopietta al 82[^].

Sön n cross da na pert éle bun de se mët jö le pal de piet y cun na bela trata de ciamp sön le palo lunch siglëiel le resultat dl 3 a 1.

Al mancia ma plü pūc menüc ala fin y i sogadusc da La Val stà plö defensiv por defënn le resultat.

Pūch dedo él le arbiter che sciūra la fin. La partida se rōia sön le resultat de 3 a 1 por La Val.

Cun chisc 3 punc davagnà se porta La Val al 3º post de tlassamënt.